



LIBRARY  
OF THE  
UNIVERSITY OF ILLINOIS  
76 84

# CLEANTHUS HYMNUM IN IOVEM

---

GRAECE EDIDIT NOTIS ILLUSTRAVIT

ET

VIRO CLARISSIMO

H E Y D E N R E I C H

SUMMOS IN PHILOSOPHIA HONORES

AMICORVM QVORVNDAM NOMINE

GRATVLATVS EST

*Wilhelm*  
FRIDERICVS GVILIELMVS STVRZ

PHILOS. STVD.

---

L I P S I A E

EX OFFICINA SOMMERII

CICIDCCLXXXV.

1735

NOTICE


TO THE PUBLIC

BY THE

OFFICE OF THE

SECRETARY OF THE

*VIR CLARISSIME*  
*AMICE SVAVISSIME*

um TV iam adscenderis summum philo-  
sophiae honorum gradum, quo TE dignissi-  
mum esse, quoniam omnes, quicunque te norint, optime  
sciunt, non puto huius loci esse multis demonstrare,  
cunque ego, cui iam inde a multis annis amicissimum  
TE probasti, non possim non his TVIS ornamentis et  
ipse vehementer gaudere, non dubito, quin facile TIBI  
persuasurus sis, me libentissime et summa cum voluptate  
suscepisse delatum mihi munus edendi TIBI specimen ani-  
mi laeti. Scilicet interpretem sensuum suorum laetorum  
esse me iusserunt amici illi nostri communes, quos una  
nobiscum duce BECKIO V. C. cuius praeclara in litte-  
ras elegantiores merita nec possum ego satis laudare,

*nec, si possim, permittat egregia Viri modestia atque  
humanitas, interpretandis antiquis scriptoribus graecis  
et latinis operam dare laetamur. Putabant enim, sem-  
per extitutum esse hunc libellum insigne amicitiae in TE  
nostrae monumentum, nec TE nos amicitia TVA pri-  
vaturum unquam. Cui quidem amicorum spei, quae ma-  
xima est, humanissime TE rogare iussus sum ab iisdem  
ut velis respondere. Ita fore aiebant, ut magna suae  
felicitati incrementa accessisse existiment,*

## NOMINIS TVI

*Scripsi Liphae,  
a. d. IV. Id. Febr.  
CICIDCCLXXXV.*

*studiosissimi,*

Bech, Poppo,  
Friedel, Scheibe,  
Grimm, Sonntag.

## PROLEGOMENA.

**C**LEANTHES, de quo V. FABRIC. biblioth. Gr. 3, 15. p. 394-398. Assi, Mysiae vt videtur oppido, natus, ZENONIS Citiei, Stoicorum parentis, per vndeuginti annos discipulus et in *sqz* s. porticu Atheniensi successor, idemque CHRYSIPPI magister, (v. BIOG. LAERT. 7, 37. 168. sq.) fuit ingenio tardo, sed pertinaci studio et animo constanti! (v. VAL. MAX. 8, 7. ext. 11. SENECA. ep. 44. cf. BARTH. ad CLAUDIAN. p. 101. sq.) Vnde etiam per prouerbium qui summo studio aliquid ageret ac pensitaret, is ad CLEANTHIS lucernam lucubrare dictus est. (v. ERASMI chiliad. 1, 7, 72.) Indulgit ille non minus quam CHRYSIPPVS argutiis in disputando. (v. CIC. fin. 4, 3. SENECA. de benef. 5, 14.) Vitam finit inedia, annos natus octoginta, (v. DIOG. LAERT. 7, 176.) vel vndecentum, auctore VAL. MAX. l. l. Vehementer dolendum est, librum eius *περί θεῶν* (v. DIOG. LAERT. 7, 75.) cum aliis eius scriptis, quae recenset ex antiquis scriptoribus FABRIC. t. l. p. 395. sqq. praeter iambos nonnullos a STOBÆO in eclogis physicis et a CLEMENTE ALEX. in Strom. seruatos omnino periisse. Sed bene tamen eum et honorifice de Deo sensisse, vel hic ipse hymnus in Iouem docere potest, cuius haud dubie summa elegantia, in egregio epithetorum delectu maxime conspicua, plures ei, quam reliquis eius scriptis, lectores atque adeo editores conciliauit. Nam primus hoc carmen e codice eclogarum physicarum STOBÆI MSto Farnesiano edidit graece FVLV. VRSINVS in carminib. nouem illustrium feminarum, (Antverp. 1568. 8.) p. 272. sq. quo e libello paucis mutatis ab HENR. STEPHANO translatus fuit in poesin philosophicam (1573. 8.) p. 49. sq. Deinde cum IAC. DVPORTI elegantissima metaphrasi metrica latina integrum inseruit graece intellectuali systemati vniuersi RADVLPHVS CVDWORTHVS p. 515. (ed. MOSHEM. Jen. 1732. fol.) quam ipsam DVPORTI metaphrasin latinam, vt franco-gallicani BOVGAINVILLII, separatim antea cum graecis poetae verbis editam Argent. 1780. 4. et Italicam GIROLAMI POMPEII, addidit carmini



graece edito RICH. FRANC. PHIL. BRVNCK, v. c. in libello, qui inscribitur: Ἠθικὴ ποιησις s. Gnomici poetae Graeci, (Argent. 1784. 8.) p. 141. — 149. qui verba graeca poetarum, quos edidit, in ipsa libri fronte scribit a se recensita fuisse ad optimorum exemplarium fidem. Huius igitur editionem nos quoque secuti sumus. Sed antea idem BRVNCKIUS eundem hymnum ediderat in lect. et emendat. ad Vol. II. analectorum veterum poetarum graecorum T. III. (Argent. 1776. 8. mai.) p. 225. sq. quam editionem repetiit fere V. C. FRID. GEDIKIVS in libro, quem inscripsit: M. T. Ciceronis historia philosophiae antiquae, (Berolini. 1782. 8. mai.) p. 311. sq. qui idem GEDIKIVS hymnum nostrum elegantissime reddidit carmine vernaculo hexametro, in Museo Germanico anni 1778. mensis Iulii, p. 19 — 28. addito breui commentario et dissertatione de Stoicorum theologia, vbi recte CLEANTHEN absoluit pantheismi crimine, et hymnum eius praeferendum putat ORPHEI, CALLIMACHI et HOMERI hymnis. Sed de his ipsis Stoicorum de Deo sententiis v. IUSTI LIPSI physiologiae Stoicae libri 3, qui extant T. VI. opp. (Antverp. 1610. 4.) et CHR. MEINERS V. C. hist. doctrinae de vero Deo, omnium rerum auctore atque rectore, (Lemgov. 1780. 8.) p. 456 — 525. Ceterum non propositum mihi erat in hoc libello conferre cum CLEANTHIS hymno aliorum poetarum monumenta, qui easdem res eodem vel diuerso modo, melius vel minus bene, exposuissent, nec potui hoc loco pluribus differere aut de hymni natura in vniuersum, de qua v. IOH. GE. SVLZERI opus lingua vernacula scriptum: *Allgemeine Theorie der schönen Künste*, T. II. p. 365. sq. edit. 2. (Lips. 1778. 8. mai.) aut quatenus, propriae illius hymnorum naturae ratione habita, CLEANTHIS hymnus dignus hoc nomine dici recte posset. Sed volui hoc vnum, vt, quantum quidem ego possem, illustrarem sententias ac verba poetae ex ingenio linguae et historia philosophica, quo legeretur a pluribus praeclarum hoc antiquae philosophiae monumentum, et CLEANTHES defendi facilius posset a maleuolorum criminibus.

## ΚΛΕΑΝΘΟΥΣ ΥΜΝΟΣ ΕΙΣ ΔΙΑ.

\***Υ**μνος est laus deorum, et differt ab ἐγκωμῳ. AMMONIVS: ὁ μὲν γὰρ ὕμνος, ἔστι θεῶν, τὸ δὲ ἐγκώμιον, ἀνθρώπων. Fuit antiquissimum poëseos genus, et pars olim sacrorum. Canebantur enim hymni et inter libandum, et post libationes. Quod qui facerent, vocabantur ὑμνωδοί, etiam συναδοί. Canebantur interdum etiam cum saltatione. Scripti fuerunt hymni omnibus diis, praeter Amorem, et varia a diis, quibus scriberentur, nomina acceperunt. V. SPANHEM. ad CALLIMACH. hymn. in Iov. p. 2. sqq. T. II.

Κύδιστ' ἀθανάτων, πολυώνυμε, παγκρατὲς αἰεὶ

Ζεῦ,

1. Κύδιστος est illustrissimus, clarissimus. Deriuatur iste superlativus a positivo κυδρός. Κυδρὲς autem factum est ex nomine κῦδος, h. e. interprete HESYCHIO, δόξα, τιμή, quod a CIC. fin. 5, 18. ex HOMER. Odyss. μ., 184. vertitur nomine gloria. PROCLUS ad HESIOD. erg. 257. ἀπὸ τῆς κῦδος, inquit, γίνεται κυδρὲς, καὶ κυδρὴ, ὡς ἀπὸ τῆς ἔχθρος ἐχθρὸς. cf. Etymol. M. Apud HOMERUM hoc epitheton non tantum Ioui tributum legitur, vt Il. β, 412. γ, 276. hymn. in Iov. 4. sed aliis quoque diis, vt Iunoni, quae Il. σ, 184. vocatur Διὸς κυδρὴ παράκοιτις, et Mineruae, quae Il. δ, 515. Διὸς θυγάτηρ κυδίση appellatur. Sic apud HESIOD. theogon. 442. Hecate dicitur κυδρὴ θεός. Sed quanquam ex his locis patet, deorum hoc epitheton fuisse, tamen eodem homines quoque ornati reperiuntur, vt Agamemnon ap. HOMER. Il. α, 122. Sic THEOCRITVS 17, 2. Iouem dicit ἀθανάτων τὸν ἄριστον, et 17, 12. Ptolemaeum τὸν ἄριστον βασιλῆαν. HESYCHIVS: κύδιζε· ἐνδοξότατε, σεμνὲ, τιμιάτατε. πολυώνυμε. Si simpliciter et propria notione, qua significat eum, qui multis nominibus appellatur, accepisset poeta, parum hoc epitheton faceret ad Iouis laudem, quam tamen statuendum est propositam poetae fuisse. Nam etiam Alecto furia dicitur ap. VIRGIL. Aen. 7, 337. mille nomina habere.

Ergo



—

Ζεῦ, Φύσεως ἀρχηγέ, νόμος μέτα πάντα κυβερνῶν,  
χαῖρε.

Ergo haud dubie respicitur h. l. et in locis similibus omnibus ad honorifica illa, quae et ipsa multa fuere, Iouis nomina, vt O pitu- lus, Alumnus, Inuictus, Stabilitor, (v. AVGVSTIN. civ. Dei 7, 11.) Liberatoꝝ, (v. HERODOT. 3, 142. XENOPH. oecon. 7, 1. FISCHERVS V. C. in ind. ad AESCHINIS Socrat. dialogos) Optimus Maxi- mus, (v. CIC. de N. D. 2, 25.) Pater, (v. HOMER. Il. 9, 49. π, 458.) Seruator, (v. PAVSAN. 2, 20. 4, 31.) Stator. (v. LIV. 1, 12.) Plurima enim eius nomina faciunt fere non nisi ad indicanda loca, quibus ille vel natus, vel commoratus, vel cultus fuisse, vel ali- quid gessisse dicitur, vt DICTAEVS, (VIRGIL. Ge. 2, 536. 4, 152.) Caius, (PLIN. H. N. 5, 12.) Capitolinus, Fulminator, Musca- rius. (PAVSAN. 5, 14.) Quare minus bene videtur CALLIMACHVS in hymno suo in Iouem controuersiam de genere et patria eius at- tulisse v. 4. sqq. Simul vero etiam pertinet illud epitheton ad no- minis celebritatem plane insignem. Certe innumeris fere in locis posita olim Ioui erant templa et arae et statuae, et ap. HESIOD. theog. 785. πολυώνυμον ὕδωρ est aqua celebratissima. Ceterum etiam Diana, Venus, Bacchus, Apollo πολυώνυμοι fuerunt. (v. SPANHEM. ad CALLIM. h. in Dian. 7. p. 129. T. II.) Vocabulum παγκρατής respondet Latinorum vocabulo *omnipotens*, et vt etiam ap. ARISTOPH. thesmophor. 368. Ioui hoc epitheton tribuitur: ὁ παγκρατὲς Ζεῦ, ita eidem dicitur ap. AESCHYL. Prometh. 518. destinatum esse αἰεὶ κρατεῖν. cf. VIRGIL. Aen. 1, 233. HESYCHIUS: πανκρατής· πάντων κρατῶν καὶ ἀρχῶν καὶ βασιλεύων. παγκρα- τής· Ζεὺς.

2. VRSIN. et CVDW. pro Ζεῦ ediderunt Ζεὺς, vt v. 31. vbi etiam STEPH. ita habet. ἀρχηγός est auctor, vt ap. ISOCRAT. Nicocl. p. 62. ed. WOLF. (Bas. 1613. 8.) Τεῦκρος ὁ τῷ γένει ἡμῶν ἀρχηγός, et in panegyꝝ. c. 16. edit. MORI V. C. (Lips. 1766. 8.) ἀγαθῶν ἀπάντων ἀρχηγοί. Act. 3, 15. Christus dicitur ὁ ἀρχη- γός τῆς ζωῆς, et Hebr. 2, 10. ἀρχηγός τῆς σωτηρίας. v. WESSE- LING. ad DIODOR. sic. 5, 64. νόμος μέτα, h. e. μετὰ νόμον, idem est, quod ap. XENOPH. Cyrop. 1, 3, 14. σὺν τῷ νόμῳ, salua lege,

3. χαῖρε,

χαῖρε· σὲ γὰρ πάντεσσι Θέμις θνητοῖσι προσαυδᾷν.  
ἐκ σοῦ γὰρ γένος ἔσμεν, ἧς μίμημα λαχόντες

μοῦ-

h. e. κατὰ τὸν νόμον, legitime, iuste, idem quod infra v. 34. δίκης  
μέτα. Sic THVCYD. 6, 85. μετὰ καιρῶ, opportune, et 2, 39. μετὰ  
νόμων. De re ipsa cf. cic. de N. D. 2, 38. 45. 46. 66.

3. χαῖρε, salve. Etiam CALLIMACHVS ita alloquitur Iouem,  
hymn. in Iov. 94. et Cererem, hymn. in Cer. 2. πάντεσσι. STEPH.  
et VRSIN. legunt πᾶσι, quod cum metri leges violet, recte muta-  
tum est a BRVNCKIO in πάντεσσι, vt iam legendum esse viderat  
SCALIGER in notis ad STEPH. poësin philos. CVDW. tamen edidit  
καὶ πᾶσι. πάντεσσι θνητοῖσι Θέμις, scil. ἐς, omnibus mortalibus  
fas est, licet, h. e. nihil mali aut poenae timendum est cuicumque  
mortalium, quamquam te, Iupiter, appellare audet. Hunc enim  
sensum verborum esse, et reliqua quae sequuntur verba docent,  
quibus CLEANTHES hominum genus ab Ioue deducit, et intelligi  
potest e verbis Eteoclis ad Polynicen ap. EVRIP. Phoen. 625. ὁ  
Θεμιτόν σοι μητρός ὀνομάζεν κάρα, vbi schol. ὁ πρέπει, ὁ δίκαιον,  
nempe quia fratrem iam antea v. 618. 622. dixerat impium in fra-  
trem et patriam esse, licere ei negat matrem appellare. Sic so-  
PHOCLES. Eleatr. 127. εἴ μοι Θέμις τὰδ' αὐδᾷν. Existit igitur grauis  
quaedam elegantia, quae hominibus eadem cum fiducia Deum adire  
permittit, quacum liberis adire licet parentes. Ceterum CVDW.  
vitiose edidit θνητοῖσι, et vocabulum Θέμις dici ἐπὶ θεῶ, δίκη vero  
ἐπὶ ἀνθρώπων, notauit MOSCHOPHVLVS ad HESIOD. εργ. 9. προσ-  
αυδᾷν, alloqui, compellare, et sine casu, absolute, ponitur, vt ap.  
HOMER. Od. ζ, 79. et accusatiuo iungitur, vt ibid 484.

4. ἐκ σὺ γένος ἔσμεν, h. e. tu pater hominum es, tu nos  
creasti. Patris enim nomen proprium Iouis est. (v. SPANHEM. ad  
CALLIM. hymn. in Iov. 94. p. 43.) Hinc HORATIVS 2, sat. 2, 79.  
animum humanum nominat diuinæ particulam auræ. cf. ANTO-  
NINVS PHILOSOPHVS 2, 1. SENEC. ep. 41. Ceterum ex h. l. apparet,  
Paulum apostolum Act. 17. 28. vbi quosdam Atheniensium poeta-  
rum dixisse ait: τὸ γὰρ καὶ γένος ἔσμεν, non ad solum ARATVM

respexisse, e cuius phaenomenis illud hemistichium petatum esse dudum obseruatum est a viris doctis. Nam etiam CLEANTHES Athenis vixit. FABRICIUS bibl. Gr. l. l. p. 398. laudat locum EUTHALII, episcopi Sulcensis, cuius editio aetuum apostolicorum extat in LAVR. ALEX. ZACAGNI collectaneis monumentorum veterum ecclesiae graecae, T. I. (Rom. 1698. 4.) qui p. 420. dicit, verba a Paulo citata esse Ἀράτε ἀστρονόμῃ καὶ Ὀμήρῃ ποιητῇ. Sed ex HOMERO nihil huc trahi potest, nisi quod ab eo Iupiter saepe vocatur πατὴρ ἀνδρῶν τε θεῶν τε, vt Il. o, 47. et Odyss. v, 128. Ζεὺ πάτερ. 4. ἦς μίμημα. STEPH. VRS. CVDW. GEDIK. legunt ἦχ. SCALIGER l. l. coniciebat ὄχ. quod corpus diceretur ὄχημα ψυχῆς, et GEDIKIVS in Mus. Germ. legendum putabat ἐκ σθ, quod tamen ipse concedebat esse minus poeticum. Solus BRVNCIUS edidit ἦς, nescio quibus libris auctoribus. Sed tamen cum et metri leges hanc lectionem adiuuent, et vocabulum ipsum exquisitius sit atque rarius altero, secutus sum eam et ipse. Scil. ἦ est vox, i. q. φωνή vel βοή, auctore HESYCHIO. Ap. EVRIP. Rhel. 553. legitur: σύριγγος ἰὰν κατακύω, et AESCHYLVS Pers. 940. vocabula ἰὰν et βοὰν permutat inter se. Iam ἦς μίμημα, id, quod imitatione vocis existit, h. e. vocis imago et simulacrum, est echo. Echus autem notio continet in se notionem similitudinis, et λαγχαίνεν proprie dicitur is, cuius sors exit, qui accipit atque consequitur rem, de qua sors fuerat ducta, cum κληρῶσθαι dicantur ii, qui ducunt sortem, auctore AMMONIO in v. λαγχαίνεν. Vnde λαγχαίνεν omnino valet accipere, consequi, vt h. l. Apparet igitur, sensum verborum: ἦς — μένον, esse hunc: quamuis non pares aut aequales tibi simus, sed tantum tui similes atque adeo te inferiores. Coharent enim haec et sequentia verba cum praecedentibus ita: Audeo ego homo, Te, Iupiter omnipotens, appellare s. salutare. Nam etiamsi tantum abest, vt nos, homines et quicquid creasti, aequales tibi simus, vt simus tantum quodammodo tui similes: tamen propterea iure te videmur adire posse, quia tibi originem debemus, quia tu parens nobis es, nos tibi liberi, quia tu omnia curas et gubernas. cf. 7. sqq.

μῶνον, ὅσα ζῶει τε καὶ ἔρπει θνήτ' ἐπὶ γαῖαν.  
τῷ σε καθυμνήσω, καὶ σὸν κράτος αἰὲν αἰείσω.  
σοὶ δὴ πᾶς ὁδε κόσμος ἐλισσόμενος περὶ γαῖαν

B 2

πει-

5. Verba: ὅσα — γαῖαν, quaecunque viuunt ac repunt mortalia in terra, explicanda esse puto ex' *μερισμῶ*, vt intelligantur non modo animalia maiora, quae fere ζῶα dicuntur, sed etiam minora et minima, τὰ ἔρπετά. Sic. Aët. 10, 12. καὶ τὰ θηρία καὶ τὰ ἔρπετά. Nam post vocabulum μῶνον intelligenda est particula καὶ, quia particula τε post verbum ζῶει, cum referenda sit ad particulam καὶ ante verbum ἔρπει, vt apud Latinos *et — et*, copulare vocabula μῶνον et ὅσα non potest. Nec inusitatus est iste particulae καὶ defectus. Exemplum eius extat ap. HERODOT. 2, 26. εἰ δὲ ἡ γᾶσις ἡλθακτο τῶν ὠρέων καὶ τῆ ἑρανῶ, τῇ μὲν νῦν ὁ βορέης τε καὶ ὁ χειμῶν ἐστᾶσι, ταύτη μὲν τῆ νόττε ἦν ἡ γᾶσις καὶ τῆς μεσαμβρείης, — ὁ ἥλιος ἂν ἀπελαυνόμενος ἐκ μέσε τῆ ἑρανῶ — ἦε ἂν τὰ ἄνω τῆς Εὐρώπης. Sic etiam 1 Cor. 15, 20. ἐγήγετο ἐκ νεκρῶν, ἀπαρχὴ ἐγένετο. Ceterum praepositionem ἐπὶ accusatiuo iunctam non semper significare motum ad locum, sed reddi latine posse *super*, vel *in* cum ablatiuo, docet locus HESIODI theog. 531. ὄφρα κλέος εἴη ἐπὶ χθόνα. Similiter cic. Manil. 12. in praedonum fuisse potestatem. cf. GELL. 1, 7.

6. τῷ, h. e. τέτῳ, dictum est elliptice pro ἐπὶ τέτῳ, propterea, ideo, vt ap. CALLIM. hymn. in Iov. 80. et saepius ap. HOMERVM. καθυμνεῖν idem est, quod infra 38. ὑμνεῖν, laudare, laudes canere.

7. σοὶ δὴ — VRSIN. et ST. legunt σοὶ δὲ. minus recte. δὴ enim est scilicet, et vberius explicat, quid sit. illud κράτος, quae illa potentia, Iouis v. 6. Vnde iam SCALIGER l. l. ita legi iubebat. Vocabulo κόσμος significari omnino omne ornamentum, deinde ordinem, quoniam ordo quamque rem maxime ornat, notissimum est. HESYCHIUS: κόσμος· καλλωπισμός, κατασκευή, τάξις, κατέτασις, κάλλος. EVIDAS: κόσμος· τάξις. Hinc ob perfectam absolutamque elegantiam κόσμος appellatus est mundus, (V. PLIN.

πείθεται, ἢ κεν ἄγης, καὶ ἐκὼν ὑπὸ σέο κρατεῖται.  
τοῖον ἔχεις ὑποεργὸν ἀνικητοῖς ἐνὶ χερσίν

ἀμ-

(V. PLIN. H. N. 2, 4. PLYTARCH. de placitis philosophorum 2, 1. PLATO Gorg. T. I. p. 508. ed. STEPH.) h. e. σύστημα ἐξ ἑρανῶ καὶ γῆς καὶ τῶν ἐν τέτοις περιεχομένων φύσεων, quae sunt verba ARISTOTELIS lib. de mundo cap. 2. Itaque recte hoc vocabulum distinguit AMMONIVS a vocabulo οἰκισμένη; ita vt hoc significari dicat γῆν μόνον τὴν Φανεράν. Sed h. l. per κόσμον, et quia volui dicitur, (ἐλισσόμενος) et quia ei opponitur γαῖα et infra 15. χθών, coelum maxime intelligendum videtur, vt ap. PLATONEM in Timaeo. Quam vocabuli notionem plurimi obseruauerunt, quorum locis a PLINII interpretibus laudatis ad H. N. 2, 1. addam locum PHILO-NIS de incorruptibilitate mundi; T. II. ed. MANGHEY, p. 488. vbi diserte, λέγεται καὶ ὁ κόσμος, inquit, μόνος ἑρανῶς, et verba SYL-LAE in h. v. καὶ αὐτὴν δὲ τὴν διακόσμησιν τῶν ἀστέρων κόσμον εἶναι λέγεται. cf. HESYCH. infra 16. ad vocabulum πόλος. Sic etiam La-tini vtuntur vocabulo *mundus*, vt LVCRET. 5, 1435. Habuit autem ista τῷ κόσμῳ appellatio auctorem PYTHAGORAM. (V. DIOG. LAERT. 8, 48.) Ceterum etiam in ORPHEI hymnis 3, 3. legitur: κόσμε, σφαιρηδὸν ἐλισσόμενος περὶ γαῖαν.

8. ἢ κεν ἄγης, quocunque agas, veritas. cf. HESIOD. ἐργ. 280. vbi pro κεν dicitur ἄν. c. v. d. w. legit ἢ κεν, si quidem. minus bene. Tollit enim haec lectio, vel minuit certe, insignem, quae inest alteri lectioni, grauitatem atque dignitatem. κρατεῖσθαι ὑπὸ τινος, teneri ab aliquo, est imperari sibi ab aliquo pati, imperata ab aliquo accipere, alicui parere. ἐκὼν autem, quod additum est, non parum facit ad augendam Iouis laudem, quippe qui tanta cum sapientia omnia gubernet, vt eius imperium tantum absit vt molestum sit iis, quibus imperet, vt etiam sit iucundissimum. Quae quidem est summa regis et imperatoris virtus, V. XENOPH. CYROP. I, 6, 18. 19.

9. 10. τοῖον — κραυυόν. Haec verba continent causam, cur dici recte Iupiter possit mundum regere. Valere enim illum po-tentia,



ἀμφήκη, πυρόεντα, αἰεζώντα κεραυνῶν.

10.

τοῦ

tentia. Scil. τοῖος, talis, quod vocabulum alias ad οἶος, qualis, refertur, h. l. ita absolute positum est, vt ap. VIRGIL. Aen. 7, 328. sq. tot. cf. ibid. 447. sq. Quae quidem ratio reddit orationem concitatio-rem et grauiorem. ὑπεργός idem est, quod ὑπεργός, minister, et fulmen etiam ap. ΞΕΝΟΦ. mem. 4, 3, 14. vocatur ὑπεργός τῶν θεῶν. cf. Pl. 104, 4. Nam Ioui proprie tributum fuisse fulgur, fatis constat. v. HORAT. 3, od. 3, 6. VIRGIL. Aen. 1, 234, cf. P. BYRMANNI libellus de Ioue Fulguratore, qui editus extat cum eiusdem libro de vectigalib. populi Rom. Leidae 1734. 4. ἀννή- τοις ἐν χερσίν, inuictis manibus. CVDW. habet ἀκινήτοις, immotis, intrepidis. Minus bene, quanquam GEDIK. in Mus. Germ. prae- tulit hanc lectionem. Nam victoriae notione videtur maior Iouis dignitas significari, quam intrepiditatis. Sic nec lectionem ὑπὸ pro ἐν, quae est in VRS. STEPH. et CVDW. probari posse putabam, quia ὑπὸ χερσίν ἔχειν vix esse poterit: manibus tenere, quam ta- men notionem postulat series orationis.

10. ἀμφήκης, anceps, proprie gladii epitheton est. v. HO- MER. Il. κ, 256. φ, 118. SOPHOC. Ai. 286. Itaque cum h. l. tri- butum legatur fulmini, haud dubie fulmen considerandum est tan- quam Iouis gladius, quo ille et se defendat hostesque percutiat, et malos puniat. Inuat hanc interpretationem HESYCHIVS: κε- ραυνός· τὸ τῷ Διὸς ἀμυντήριον. Ceterum BRUNCKIVS in analectis male edidit ἀμφήκη. Vocabulum πυρόεντα videtur explicare voca- bulum ἀμφήκη. Scil. vt gladius maxime nocet aëie duplici, ita fulmen igni. Sed ob hanc ipsam vocabuli elegantioris explicatio- nem non omnino necessariam perit vocabulo πυρόεντα sua ele- gantia, ita vt pene langueat. αἰεζώντα, semper viuum, h. e. semper integram et acutum et pōtens. Sic CALLIM. hymn. in Del. 314. αἰεζώντα ἱερά. Fuerunt autem tria fulminum genera, ἀργήτες, ψολόεντες, et καταβάται. (v. ARISTOT. de mundo 4, 3.) Vnde Ioui etiam fulmen trifulcum videtur tributum fuisse.

τοῦ γὰρ ὑπὸ πληγῆς φύσεως πάντ' ἐρρίγασιν,  
ὥς σὺ κατευθύνεις κοινὸν λόγον, ὃς διὰ πάντων  
Φοιτᾷ, μιγνύμενος μεγάλοις μικροῖς τε Φάεσσιν.

ὃς

11. τῆ poeticum est pro τέττε, vt ap. HOMER. II. ζ. 133. ὑπὸ  
πληγῆς — Ita primus edidit BRYNCKIUS, quam lectionem et ipse  
praeferendam puto ei, quae est in reliquis editionibus: πληγῆς,  
sine subscripto. Nam πληγῆς est datiuus pluralis pro πληγαῖς,  
qui eidem praepositioni ὑπὸ iunctus legitur ap. CALLIM. h. in Del.  
321. et epigramm. 1, 9. Haec autem praepositio ὑπὸ, etiam da-  
tiuio vel ablatiuo iuncta, respondet Latinorum praepositioni *prae*,  
h. e. ob, vt ap. ZOSIM. 2, 2. ἐκθανόντων ὑπὸ καύματι. quāquam  
sic ei simul inesse videtur notio subiectionis cuiusdam, quae non  
nisi per periphrasin exprimi latine possit. φύσεως πάντα, omnia  
quae naturae sunt, est vniuersa natura, res creatae omnes. Qui  
quidem vocabuli φύσις vsus philosophicus magis est, quam poeti-  
cus. ἐρρίγασιν, timent, obstupescunt, vt ap. HOM. II. μ. 208. ε. 436.  
Proficiscitur a verbo ῥιγῆν, cum ῥιγῆν sit frigare, rigere. THOMAS  
MAGISTER: ῥιγέω, τὸ φοβεῖμαι, ὅπερ ἐστὶ ποιητικόν. ῥιγῶ δὲ ἐπὶ  
κρύεσσι. HESYCH. ἐρρίγασιν φοβέονται, εὐλαβέονται.

12. κατευθύνειν est regere, dirigere, moderari. Ceterum  
VRS. edidit κατευθυνεῖς, quam lectionem non recte deseruisse pu-  
to reliquos hymni editores. Futura enim, vt aoristi, consuetudi-  
nem interdum et frequentiam indicant, quae latine reddatur per  
*solet*. (V. GRAEV. lect. Hesiod. ἐργ. 185.) κοινόν — Φοιτᾷ, ratio-  
nem quandam per omnem naturam rerum pertinentem vocat VEL-  
LEIUS Epicureus ap. CIC. N. D. 1, 14. quam esse vi diuina affe-  
ctam ZENO putabat.

13. μιγνύμενος — Φάεσσιν. Stoici enim ipsi mundo et astris  
tribuebant rationem et mentem. (V. CIC. l. l. 2, 7. II. 16, 21.  
SENEC. ep. 65.) VRS. et ST. legunt: μεγάλων μικροῦσι Φάεσσι, quod  
fere nullum efficit sensum. Vnde CVDW. plane haec verba omisit.  
Videntur autem per φάη μεγάλα sol et luna intelligi, per φάη μι-  
κρά, stellae et sidera.

ὅς τόσσος γεγαῶς ὑπάτης βασιλεὺς διὰ παντός — —

εἰδὲ

14. ὅς pertinet ad Iouem, et haud dubie post verba διὰ παντός verba nonnulla, vel potius integer versus, interciderunt. Nam posteaquam ostenderat poeta 4 — 13, Iouem esse παγκρατῆ et φύσεως ἀρχηγόν, incipit iam vberius explicare alterum illud, quod supra, 2, proposuerat, nimirum eundem iustissime omnia gubernare. Quam quidem alteram hymni partem ita fere videtur orsus esse: Tu, qui tantus es ac sempiternus rex atque praeses, non solum ea potentia vales, qua possis, quaecunque placnerit, agere, (cf. cic. N. D. 3, 39.) sed optime quoque scis, quonam potissimum modo gubernari mundus atque regi debeat. Nam ὑπάτης proprie est superlativus contrarius ex ὑπερτάτος, h. e. altissimus. HESYCH. ὑπάτη· ὑπερτάτη. Sic CALLIM. hymn. in Del. 126. ἕρεος ἐξ ὑπάτης, et hymn. in Dian. 196. πρηόνος ἐξ ὑπάτοις. Deinde significat eum, qui suo in genere princeps est atque eximius. HESYCH. ὑπάτης· ὑψηλός, ἐντιμος, πρῶτος, διαφέρων τῶν ἄλλων, ἐξοχώτατος. Sic ab eodem CALLIM. h. in Del. 166. Ptolemaeus Philadelphus dicitur σωτήρων ὑπατον γένος, et a FLVTARCHO sympoſ. 1, 3. vocabula ὑπατικός et ἐντιμος inter se permutantur. Apud CALLIM. h. in Iov. 91. Iupiter appellatur πανυπερτάτος, ad q. l. vid. SPANHEM. Sed ap. HOMERVM epitheton ὑπάτος frequenter Ioui tributum reperitur, vt Il. 7, 258. ψ, 43. θιῶν ὑπάτος, Il. 9, 31. ὑπάτε κρείόντων, quae formula respondet formulae nostri poetae: ὑπάτος βασιλεὺς, vt cum formula βασιλεὺς διὰ παντός conuenit ea, quae legitur ap. CALLIM. l. l. 2. αἰὲρ ἀναξ. Nam διὰ παντός, scil. χρόνος, est semper. HESYCH. verba διὰ βίης explicat per verba διὰ παντός et αἰεῖ, tanquam per synonyma. γεγαῶς autem proprie quidem dicitur natus, sed omnino etiam is, qui est s. existit. HESYCH. γεγαῶς· γεγονώς, ὑπάρχων. Sic HOMER. Od. δ, 112. dixit νέον γεγαῶτα, et SOPHOCLE. Electr. 24. εἰδὼς εἰς ἡμᾶς γεγάς.



οὐδέ τε γίγνεται ἔργον ἐπὶ χερσὶν οὐ δίχα· δαΐμόν, 15.  
οὔτε κατ' αἰθέριον θείον πόλον, οὔτ' ἐνὶ πόντῳ,

πλήν

15. δίχα proprie est dupliciter, (Proficiscitur enim a δ/ς.) divisim. Deinde significat seorsim; denique sine, vt h. l. ηἵεσθαι, δίχα· χωρὶς, ἐκτὸς, ἀνευ. Praeponitur ferè nominibus, quibus iungitur. Sed interdum etiam sequitur eadem, vt ap. XENOPH. Cyrop. 8; 7. 3. ἡ ψυχὴ ἐπαδὼν τῷ σώματι δίχα κίνηται. Ceterum BEYCK. in anal. et GEBIK. in Cic. hist. philol. legunt γίνεσθαι, et hoc ipsum, quod hic de Ioue praedicatur, virtus sibi tribuit ap. XENOPH. mem. 2, 1, 32. δαΐμον. Ita etiam CALLIM. Iouem appellat l. l. 44. Qua quidem appellatione respici videtur ad eximiam, quae est in Deo, rerum omnium notitiam. Certe ηἵεσθαι, δαίμονες, inquit, οἱ θεοὶ, δαίμονες τινες ὄντες, οἷον ἑμπύριοι. VESINSTEIN. et CVDW. legunt δαίμων.

16. πόλος est proprie vertex, cardo coeli, axis. Nam πολεῖν est vertere. ηἵεσθαι πόλος· ἄζων. Sed poetae accipiant. pro ipso coelo. ηἵεσθαι πόλος· ἑράνους, κόσμος. v. ARISTOTELI, vides 179. et ad illum locum schol. e quo descripsit sua SVIDA: πόλος ἑράνους ἢ κόσμος. — πόλον γὰρ οἱ παλαιοὶ, ἔχ. ὡς οἱ νεώτεροι, σημειῖον τι καὶ πέρας ἄζονος, ἀλλὰ τὸ περιέχον ἅπαν. Etiam Latini sic vtuntur vocabulo *polus*, vt VIRGIL. Aen. 1, 608. Vocatur autem θείος, diuinus, non quo CLEANTHES putauerit, aethera esse summum deum, quod falso traditum fuit a CIC. acad. 2, 41. et LACTANT. 1, 5. sed quia, ARISTOTELE auctore, (de mundo cap. 2.) coelum putabatur τὸ ἀνώτατον θεῶν οἰκητήριον. cf. HESIOD. segy. 18. αἰθέρ enim est vltimus et altissimus atque vndique circumfusus et extremus omnia cingens atque complexus ardor, (v. CIC. N. D. 1, 14.) siue summa pars coeli. (ibid. 2, 45.) ηἵεσθαι αἰθέριον· ἑμπύριομόν. καὶ τῷ πόντῳ θεοδαί, καί εσθαι. SVID. αἰθέρ· ὁ ἐν ᾧ ψαὶ αἰθήρ. ἐνὶ πόντῳ. VESINSTEIN. CVDW. legunt ἐπὶ πόντῳ. πόντος autem, SVIDA auctore, proprie est mare intra Chersonesum et Euxinum. Deinde καταχρηστικῶς quoduis aliud mare ita dicitur. v. HESIOD. segy. 670.

Etiam

πλὴν ὅποσα ῥέζουσι κακοὶ σφετέρῃσιν ἀνοίαις·  
ἀλλὰ σὺ καὶ τὰ περισσὰ ἐπίστασαι ἄρτια θείναι,  
καὶ κοσμεῖς τὰ ἄκοσμα, καὶ ὃ φίλα σοὶ φίλα ἐστίν.

ἠδὲ

*Etiam in hoc vocabuli pontus vsu imitati Graecos reperiuntur Latini, vt OVID. metam. 13, 900.*

17. ῥέζεν est facere. Inprimis poetae hoc verbo vtuntur. *HESYCH.* ῥέζουσι· πράττεισι. ἀνοία proprie est dementia. Sed si, significat etiam temeritatem et imprudentiam, vt ap. *ISOCHR.* paneg. 37. ταῦτα πάντα γέγονε διὰ τὴν ἡμετέραν ἀνοίαν. Similis nostro locus extat ap. *HESIOD.* erg. 685. ἀνδρῶποι ῥέζουσιν αἰδρεῖσθαι νόοιο. Ceterum cur sine Deo fieri dicantur improborum hominum actiones, apparebit ad v. 21. et sententia ipsa videtur esse ex *HOMERO* ducta, *Il.* δ, 409. κείνοι δὲ σφετέρῃσιν αἰτασθαλίῃσιν ὄλοντο. Quae sententia cum plurimum faciat ad extollendam augendamque Iouis laudem, quanta cum pulcritudine atque elegantia adhibita sit a poeta, sponte patet.

18. Hic versus deest in *VRS.* *ST.* *CVDW.* et *BRVNCK.* anal. τὰ περισσὰ sunt ea, quae sunt numero impari. Haec Iupiter scit reddere paria numero, ἄρτια, h. e. scit s. potest ea, quae ceteris praestant vel magnitudine, vel pulcritudine, vel multitudine, vel potentia, etc. ita reliquis aequare, ita temperare, vt pulcerrima existat rerum omnium harmonia atque proportio. (cf. v. 21.) θείναι enim idem est, quod ποιῆσαι, interprete *HESYCHIO*. Sic *HOMER.* *Il.* α, 2. ἄλγε' ἔθηκε.

19. κοσμεῖς τὰ ἄκοσμα, quae confusa et indigesta sunt, ea in ordinem redigis. *HESYCH.* ἄκοσμα· ἀτακτα. κοσμήσαι· διατάξαι. Similis locus est in *PLATONIS* *Tim.* p. 527. A. τὸ κινούμενον πλημμελῶς θεὸς εἰς τάξιν ἡγάγεν ἐκ τῆς ἀταξίας. Plures locos similes collegit *WYTTENBACH.* ad *PLUTARCH.* de sera num. vjnd. p. 28. ὃ φίλα σοὶ φίλα ἐστίν, quae iniucunda hominibus sunt et ingrata, tibi placent. Hanc enim vim habet formula φίλον ἐστὶ vel φίλα ἐστὶ. (v. *SOPHOCLE.* *Ai.* 1057. et *HOMER.* *Il.* α, 107. ibique *SCHERPETZEL.*) Ceterum dativus σοὶ caret accentu in *VRS.* *CVDW.* et *BRVNCK.* anal.



ὥδε γὰρ εἰς ἐν ἅπαντα συνήρμοκας ἐσθλὰ κακοῖσιν, 20  
ὥσθ' ἓνα γίγνεσθαι πάντων λόγον αἰὲν ἔόντα,

ὄν

20. ἅπαντα — Ceteri editores, VRS. ST. CVDW. GED. et ipse BRVNCK in analectis legunt πάντα. Praeferendam vero alteram illam lectionem existimo, tum quia metrum ita leuius defluit, tum quia τὸ ἅπαντα magis indicat rei alicuius vniuersitatem. συναρμό-  
ζον est apte coniungere, consociare, i. q. συνάπτειν. Ceterum etiam ap. XENOPH. mem. 1, 4, 8. verbum hoc iunctum sibi habet datiuum.

21. λόγον αἰὲν ἔόντα, rationem, h. e. proportionem, temperamentum, sempiternam. cf. ANTONIN. 5, 8. ὅλως γὰρ ἀρμονία ἐστὶ μία. Haud dubie enim recte a BRVNCKIO repudiata est lectio VRS. ST. et CVDW. qui habent ἔόντων, qua e. lectione existit sensus ineptus. Ceterum et ille, quem ostendi, vocabuli λόγος vsus philosophicus, et totus hic locus inde a v. 15. docent, poetam nostrum fuisse philosophum, eumque Stoicum. Stoici enim malorum, quibus mundus refertus sit, culpam neque in materiam, omni qualitate carentem, (v. CIC. acad. 1, 7.) neque in Deum reiici posse statuebant, qui ex commutabili illa et flexibili materia, ex qua nihil sit quod non fingi, quamuis subito, possit, (CIC. N. D. 3, 39.) id, quod effici potuerit, optimum effecerit. (ibid 2, 34.) Tum innumera bona cum contrariis malis tam arcte copulata esse, vt altera sine alteris existere non potuerint. (v. GELL. noct. Att. 6, 1.) Incommoda et mala singulis quidem mundi partibus calamitatem atque perniciem afferre, sed pertinere posse ad vniuersi salutem et incolumitatem. (v. ANTONIN. 5, 8. 22. 10, 6. 7. SENECA. de prov. cap. 3. 4.) Solam virtutem verum bonum, malitiam s. vitium vnicum et summum malum esse. (v. SENECA. l. l. 5. de const. sap. 5. et ep. 66. ANTONIN. 2, 1. 4, 39.) Ingeneratam autem omnibus hominibus esse rectam rationem, cuius ope verum a falso, bonum a malo discernere quisque possit, (v. ANTONIN. 5, 5. 28.) quin etiam genitos homines esse ad virtutem, et modo ipsi emendari velint, ab ipsa natura ea in re adiuuari. (v. SENECA. de ira 2, 13. ep. 92.) Qui igitur diuinae rationis munus ita negli-

gat,

ὃν Φεύγοντες ἑώσιν, ὅσοι θνητῶν κακοί εἰσι,  
 δύσμοροι, οἳτ' ἀγαθῶν μὲν αἰὶ κτήσιν ποθέοντες,  
 οὔτ' ἐσορῶσι θεῶ κοινὸν νόμον, οὔτε κλύουσιν,  
 ᾧ κεν πειθόμενοι σὺν νῷ βίον ἐσθλὸν ἔχοιεν.

C. 2

25  
αὐτοί

gat, vt incidat in errores et vitia, eum sibi, non Deo, tribuere debere calamitatis et aduersae fortunae culpam. (v. ANTONIN. 5, 34. 36. 6. 41.) Ceterum iidem editores reliqui legunt γίνεσθαι. Ex his, quae iam dicta sunt, intelligi quoque poterunt, quae deinceps sequuntur:

22. Nam Φεύγοντες ἑᾶν, fugientes deserere s. negligere, rationem illam s. proportionem malorum et bonorum sapientissime a deo institutam dicuntur, qui cum studio et de industria eam negligunt. Verbum enim Φεύγειν continet in se notionem celeritatis, nec quisquam fugit, vitat, respuit aliquid, nisi facta deliberatione et capto consilio. Cum vero ratio illa sit optima, nec bonus aliquis vitare studeat ea, quae bona vel optima sint, apparet, a CLEANTHE recte tales homines dici κακῆς, improbos. Deinde quia vitium et improbitas est vnicum et summum malum, facile intelligitur, cur poeta eiusmodi homines vocauerit

v. 23. etiam δυσμόρης, infelices. δύσμορος enim, sVIDA interprete, est δυστυχής, et δύσμοροι recte legitur h. l. non δύσμορε, vt habet cVNW. Nam refertur ille nominatiuus et ad praecedens vocabulum κακοί, et ad sequens οἷτε. Iam igitur explicat poeta, quomodo improbi isti deserant sempiternam illam rerum omnium rationem, quam alia formula

v. 24. appellat θεῶ κοινὸν νόμον, quoniam ea legis vim et auctoritatem habere debet ex Dei consilio. cVNW. legit: ἀγαθῶν τὴν μὲν κτήσιν π. Sed sic μὲν non habet, quo referatur, et ceterorum librorum lectio plus grauitatis habere videtur. Verba ἔτ' ἐσορῶσι — κλύουσιν v. 24. videntur ita explicanda esse: neque ipsi animaduertunt communem Dei legem, neque ab aliis animaduersam tradi sibi permittunt.

25. σὺν νῷ dictum est, vt σὺν νόμῳ, (vid. ad v. 2.) ita vt sit: ad rationis et mentis dictamen, sanam rationem secuti.

26. αὐ

αὐτοὶ δ' αὖ ὁρμῶσιν ἄνευ καλῆ ἄλλος ἐπ' ἄλλα,  
οἱ μὲν ὑπὲρ δόξης σπερδὴν δυσέριστον ἔχοντες,  
οἱ δ' ἐπὶ κερδοσύνας τετραμμένοι ἔδενι κόσμῳ,

ἄλλοι

26. αὖ est immo, contra. v. KREBS. ad PLUTARCH. de audiendis poetis p. 173. ὁρμᾶν est proprie aestium, et significat incitare. (v. ENRIE. Phoen. 1081.) Sed pro medio etiam ponitur, omisso accusativo ἑαυτὸν, ita ut sit aggredi, ruere, irruere. Sic ap. eund. ibid. 268. legitur εἰς ἀγῶνα ὁρμᾶν, quod 798 dicitur ὁρμᾶσθαι εἰς ἀγῶνα. Habet hoc verbum simul notionem impetus cuiusdam, ut Latinorum *ruere*, quod in eo etiam conuenit cum verbo ὁρμᾶν, quod aestiue nonnunquam ponitur. (v. DONAT. ad TERENT. adelph. 3, 2, 21.) καλὸν proprie est pulcrum, quod appetitur propter se, deinde honestum, quia quicquid honestum est appetitur propter se, non ob externam utilitatem vel utilitatis externae spem. Verba ἄνευ καλῆ verti possunt: sine sensu honesti et pulcri.

27. ὑπὲρ — ἔχοντες, gloriae studentes pertinaciter. Nam *δυσέριστος* dicitur is, quocum difficulter contenditur, qui non facile contradici sibi permittit, h. e. pertinax. et σπερδὴν ἔχων est operam dare, studere.

28. τρέπεσθαι πρὸς vel ἐπὶ τι est se conuertere ad aliquid, aggredi aliquid, occupari in re aliqua, i. q. ὁρμᾶσθαι, ut ap. HOM. II. γ, 422. κερδοσύνη, quod alias est astutia, πανουργία, (v. SVID. et HESYCH. in h. v.) videtur h. l. lucrum significare. Certe magis apparere puto, cur lucri nimis studiosi referendi sint inter τρετὸν πάντων λόγον αἰὲν ἔόντα φεύγοντας. (21.) Nimirum quia qui opum ac diuitiarum copia et magnitudine abundant atque valent, iidem plus possidere solent potentiae, qua deprimant, quos possint, atque adeo plus quam fas esset calamitatum in mundum inuehant. Qua quidem re communis illa Dei lex de conseruanda rerum omnium proportionem violetur necesse est. Verba ἔδενι (BRUNCK. in anal. male edidit ἔδένι) κόσμῳ SVIDAS in v. κόσμος explicat ἔδεμιά τάξει, laudato eam in rem loco. ΗΚΕΡΟΤΙ 3, 13. ἔφευγον ἔδενι κόσμῳ. Recte. Nam qui temere et inordinate fugiunt, ii fu-



ἄλλοι δ' εἰς ἀνεσιν, καὶ σώματος ἡδέα ἔργα,  
σπεύδοντες μάλα πᾶμπαν ἐναντία τῶνδε γενέσθαι. 30

C 3

ἀλ-

fugiant immodice, magis quam par est, nimis. Hinc ap. THVC. 2, 52. pestis inualuisse dicitur ἐδενὶ κόσμῳ, h. e. supra modum.

29. ἀνεσις est cessatio a labore, ἀνάπαυσις, HESYCH. Sed dicitur etiam in malam partem de immodica licentia et dissolutione. Ap. ATHENAEVM 3, 4. p. 363. B. tribuuntur immodice bibentibus εὐφροσύνη καὶ ἀνεσις, et Annibalis militibus ap. PLVTARCH. in Marcello, T. II. p. 419. ed. REISK. ἀνεσις πολλὴ καὶ θρασύτης. σώματος ἡδέα ἔργα sunt eadem, quae ap. XEN. mem. 2, 6, 5. αἱ διὰ τῆς σώματος ἡδοναί, voluptates corporeae. Sic ap. BION. idyll. 3, 11. Amor dicitur poetam docere ματέρος ἔργα. Ceterum VRS. et ST. post hunc versum interponunt verba: . . . ἐπ' ἄλλοτε δ' ἄλλα φέροντες, quae quid sibi vellent, aut quo referenda essent, equidem videre non potui. Fortassis orta sunt ex librariorum negligentia, quorum oculi aberrantes in vltima v. 26. verba incidissent, perperam simul lecto et ad hunc v. relato vocabulo v. 30. primo, σπεύδοντες. Conferri cum hac studiorum et ingeniorum humanorum varietatis descriptione potest HORATII Oda 1 libri 1.

30. Hic versus plane exulat ex edit. CVDW. et GEB. Sensus autem est: omni studio id agentes, vt eueniant iis, quae appetierint, contraria. Aduerbia μάλα πᾶμπαν, quorum vtrumque est valde, coniuncta sunt ad augendam studii magnitudinem, vt πάλιν αὐθις ap. ARISTOPH. Plut. 860. et πάνυ σφόδρα ibid. 745. nisi forte μάλα referre malis ad σπεύδοντες, πᾶμπαν ad ἐναντία. Nam πᾶμπαν proprie est παντελῶς, omnino, plane, (v. SVID.) et μάλα HESYCHIVS interpretatur verbis πάνυ, σφόδρα, λίαν, μακρῶς, ἄγαν. σπεύδων, quod alias iungi solet verbi actiui infinitiuo, etiam ap. PLVTARCH. in Othone T. V. p. 661. ed. REISK. iunctum legitur infinitiuo γενέσθαι. Verba sunt: σπεύδων τὴν νίκην ἑαυτῷ γενέσθαι. Sic CAESAR bell. civ. 1, 4, 5. rem ad arma deduci studebat. HESYCH. σπεύδων σπεδαίζων, ἐνεργῶν. τῶνδε pertinet ad ea, quae 27 — 29 dicta sunt. Scil. dum sorte sua non contenti mortales neglecta communi illa Dei lege (v. 24.) sequuntur suas quisque cupiditates, et sortem a Deo ipsis destinatam in melius mu-

mu-

ἀλλὰ Ζεῦ πάνδωρε, κελαινεΦές, ἀρχιμέραινε.  
 ἀνδρώπης ρύοιο ἀπειροσύνης ἀπό λυγρῆς,  
 ἦν σὺ, πατέρ, σκέδασον ψυχῆς ἀπο, δὸς δὲ κυρῆσαι  
 γνώμης, ἥ πίσυνος σὺ δίκης μέτα πάντα κυβερνᾷς.

δφρ

mutare modis omnibus student, hoc ipso studio efficiunt, ut pro gloria ignominiam, pro lucro damnum, pro otio et quiete labores atque molestias, pro corporis denique voluptatibus dolores consequantur, h. e. ipsi homines fortunae suae fabri sunt atque artifices. cf. supra ad v. 21.

31. Ζεῦ πάνδωρε, Iupiter omnia donans, h. e. et bona, unde appellatur a CALLIM. h. in Iov. 91. δῶτορ ἑάων, et mala. Iupiter enim in aedibus suis habebat duo dolia, e quorum altero bona immittebat hominibus, ex altero mala. (v. HOMER. Il. α, 527. sq.) Ceterum VRS. ST. CVDW. legunt Ζεὺς. κελαινεΦές, qui nubes denigras, nubes atras cogis, μελανονεΦές, auctore SVIDA. Nam κελαινόν, eodem interprete, est μέλαν. Legitur hoc Iouis epitheton passim ap. HOMERVM, ut Il. ο, 46. ἀρχιμέραινε, (CVDW. legit αρχιμεραινε) qui tenes ac regis fulmen, fulminis rector, fulminator. Legitur hoc ipsum epitheton de Ioue etiam in Orphicorum carminum reliquiis 6, 9.

32. ρύοιο — VRSIN. ST. et CVDW. legunt ρύς. SCALIGER l. 1. legi iubebat μὲν ρύς. ἀπειροσύνη est inscitia, quae cur dicatur λυγρῇ, h. e. lucrosa, perniciofa, facile poterit ex iis, quae paulo ante dicta sunt, intelligi, HESYCH. λυγρὰ· πονηρὰ, χαλεπὰ item: λυγρόν· λυπηρόν, ἐπίπονον, κακόν, χαλεπόν, — πενθικόν.

33. πατέρ — CVDW. legit πατῆρ. σκέδασον, cum sequatur praepositio ἀπό, non simpliciter verti debet; dissipa, sed per praegnantiam: dissipatam expelle. δίδοναι est permittere, occasio, nem praebere, in qua notione omisum esse accusatiuum ἐξουσίαν, ostendit LAMB. ROS. de ellipsi. gr. p. 90. ed. Hal. 1765. 8. Ceterum etiam Latini sic vtuntur verbo dare, ut VIRGIL. Aen. 5, 689. 6, 66. κυρεῖν est adipisci. Construitur etiam aliis in locis cum genitiuo, ut ap. EURIP. Hecub. 50. τύμβε κυρῆσαι, vbi permutatur cum verbo τυχεῖν. HESYCH. κυρῶ· τυγχάνω.

34. γνώμη est mens, vel quaecunque mentis affectio, διάθε-

σις



ὅφρ' ἂν τιμηθέντες ἀμειβώμεσθ' αὖ σε τιμῇ,  
 ὑμνοῦντες τὰ σὰ ἔργα διηκεῖς, ὡς ἐπέοικε  
 Διὶ καὶ ἑόντ'. ἐπεὶ οὔτε βροτοῖς γέρας ἄλλο τι μεῖζον,  
 οὔτε θεοῖς, ἢ κοινὸν αἰεὶ νόμον ἐν δίκῃ ὑμνεῖν.

35

οἱ ποῖά τις, synb. i. q. vñs. Nam supra v. 17. αἰνοῖαι tribueban-  
 tur hominibus. Intelliguntur autem grati animi sensus, quibus  
 efficiatur, vt homines sorte sua contenti praedicandam semper  
 laudandamque putent iusticiam Dei atque benignitatem. Haec est  
 illa τιμῇ, (v. 35.) ob quam Deus dicitur sensibus illis animi homi-  
 num grati confidens atque fretus (πίσυνος) iuste omnia governa-  
 re. Nam τιμηθέντες, (v. 35.) scil. ὑπὸ σέ, verti potest: benefi-  
 ciis a te ornati, quatenus illa accipimus a Deo, multo nobis digni-  
 tate superiori, (cf. supra ad v. 4.) ita vt honori nobis esse recte  
 dicantur. Sic ap. ISOCR. paneg. 8. permutantur inter se vocaba-  
 la τιμῇ et δωρεῶν. ὅφρ' ἂν ἀμειβώμεσθ' αὖ σε τιμῇ, vt rursus te co-  
 lamus. Stil. ἀμειβεσθαι est rependere, compensare, et eadem  
 verbi constructio cum accusatio personae et datiuo rei legitur ap.  
 HERODIAN. 2, 8, 15. δώροις αὐτὸς μεγαλοπρεπῶς ἀμείβετο.

36. διηκεῖς proprie est longus, in longitudinem porrectus.  
 HESYCH. διηκεῖον· ἐκτεταμένους, μεγάλους. quae glossa petita est  
 ex HOM. II. μ, 297. vbi virgis tribuitur. Sed neutrum διηκεῖς,  
 more Graecis vñtatissimo, ponitur pro aduerbio διηκεῖως s. δια-  
 τεταμένως, porrectuo, aeternum. HESYCH. διηκεῖως· αἰεὶ, διαπαντός,  
 πάντοτε, ἀπείρως, decet, i. q. πρέπειν ἐς, (v. HESYCH.) vt ap. HOM.  
 II. 341.

37. ἔτε vñs. legit ἔτοι, st. ἔτι, et vterque ἄλλοτε pro ἄλλο-  
 τι, vt ἑόντα pro ἑόντ'. γέρας est munus, officium. Ita ap. XENOPH.  
 Ages. 1, 5. Agesilaus, rex factus, dicitur τῷ καλίστῳ γέρας ἀξίω-  
 σθαι. cf. ISOCR. paneg. 3.

38. ἐν δίκῃ est iuste, digne, i. q. ἐνδίκως. (v. ARISTOPH. nub.  
 1335. sq. cf. 1382. sq.) HESYCH. ἐν δίκῃ· δικαίως. ἐνδίκως· δι-  
 καίως, ἀξίως.



Ceterum non pigebit hic legisse GEBRUKT V. C. versionem  
hujus hymni vernaculam, e museo Germanico  
l. l. repetitam.

Sey mir gegrüßet, o Zeus, o du der Unsterblichen Größter,  
du vielnamiger Gott, gerüstet mit ewiger Allkraft,  
Schöpfer und Herr der Natur, des Reges alles regieret! —  
Zu dir zu reden ist in der Sterblichen jedem vergönnt.  
Sind wir doch deines Geschlechtes, wir alle, die wir auf Erden  
leben und wallen, obwohl nur deiner Gürtlichkeit Nachhall.  
Singen will ich denn deine Gewalt und ewig dich preisen.  
Dir gehorchet das Weltall, das um die Erde sich wälzet,  
folget Dir willig, hiehin und dorthin, wohin du es leitest.

Denn Du faßest mit nicht erzitternder Hand Deine Diener,  
Die zweyschneidigen, flammenden, ewiglebenden Blitze.  
Ha! die ganze Natur bebt ihren schmerzenden Schlägen!  
Also senkst du die Seele der Welt, die alles durchglühet. —  
Solch ein erhabener Herrscher bist du seit ewigen Zeiten.  
Ist auch etwas, o Gott, das sonder Dein Wollen geschähe,  
hier auf der Erd und im Meer, und am görtlichen Pole des Himmels?  
Nichts, als was mit rasendem Guffe der Freuler beginnt.  
Du bist des Ungeordneten Ordner, du wandelst das Böse  
selber in Gut. So fugtest du alles zu Einem zusammen,  
Gutes und Uebel, — alles nach einer ewigen Regel,  
Die der sterbliche Freuler nur flieht. — Unglückliche Thoren!  
Nach dem Besitze des Glückes haschet ihr alle; doch keiner  
sieht und vernimmt die allgemeinen Gesetze der Gottheit.  
Diesen gehorchet. — Dann lebt ihr ein glückliches Leben mit Weisheit.  
Aber siehe, sie stürzen obn' Ordnung hiehin und dorthin.  
Dieser rennet nach Ruhm mit unbezwinglichem Triebe;  
Jener spornet die Gier der niedrigen Seele nach Schätzen;  
Andere iagen einzugelten Sinns nach Lüsten des Leibes.  
Aber allgebender Zeus, der du donnerst aus schwarzen Gewölken,  
Herrscher des Blitzes! erlöse die Menschen vom tödtenden Wahnsinn,  
Scheuch' ihn hinweg von der Seel, und laß uns die Weisheit ergreifen,  
durch die mit der Gerechtigkeit Zepser du alles regierest,  
daß geehret durch dich wir wiederum Ehre dir zollen,  
und mit ewigem Preise deine Thaten besingen.  
Also gebührt dem Sterblichen. Was ist Göttern und Menschen  
Größer, als ewig mit Wahrheit die Regel des Weltalls zu rühmen?

